

«ЗАРУБЕЖНАЯ» МИНЕЯ.

Богослужбные тексты Русскаго разсѣянiя.

Мѣсяца Іаннуарiя въ 24-й дѣнь.

СЛУЖБА СВЯТѢЙ, БЛАЖЕННѢЙ ВО ХРИСТѢ КСЕНИИ, БЕЗДОМНѢЙ СТРАННИЦѢ ПЕТРОВА ГРАДА.

(Творенiе Валерiи Хекке. Jordanville: Типографiя преп.
Іова Почаѣвскаго, 1978).

Творимъ бдѣнiе.

НА МАЛѢЙ ВЕЧЕРНИ,

На Господи воззвахъ: стихиры на 4, гласъ 1. Подобень:

Небесныхъ чиновъ.



Бездомная на земли сущи,* домъ и жилище Духу Святому* въ сердцѣ своемъ уготовала еси* смирениемъ твоимъ,* и нынѣ въ чертозѣ Христовѣ радуешься,* блаженная Ксѣние, Богу



присная. [Дважды.]

Внезапу твоему мужу умершу,* умре мiрскаго житiя желанiе въ тебѣ,* всю себѣ Христу предала еси,* яко лишѣнная разума* мiру являющися,* и жизни вѣчныя взыскала еси.

Бездомная и чуждая мiру,* единою прибѣжище Христа взыскала еси,* Ксѣние, Богу и людямъ ближняя,* нынѣ же во Царствiи Христовѣ радуешься,* помяни твоя ближняя,* къ твоему представительству прибѣгающiя.

Слава, и нынѣ, богородичень, самоподобень:

Небесныхъ чиновъ радование,* на земли чловѣковъ крѣпкое представительство,* Пречистая Дѣво,* спаси ны, иже къ Тебѣ

прибѣгающія,* яко на Тя упованіе* по Бозѣ, Богородице,
возложихомъ.

Таже: Свѣте тихій... Прокімень дне, и по Сподоби Господи въ
вѣчеръ сей...

На стиховнѣ стихиры, гласъ 6. Подобень: Триденевенъ вокресль
еси.

Чуждая міру, но сущихъ въ немъ не чуждающаяся,* о людехъ
милосѣрдствующи,* юрода словущи, мудрости
наставляеши,* всяко терпящи, страждущія цѣлиши:* сила бо
Христова* въ твоєй нѣмоци совершається.

Стихъ: Господь хранитъ пришельцы,* сира и вдову прииметь.

Земное богатство, Ксеніе, раздала еси,* яко неправедное,* и
дома кровъ отвергла еси,* милостию Божією
покрывающися.* Странствию Христову ревнующи,* Царствія
Христова достигла еси.

Стихъ: Господь возводитъ низверженныя,* Господь любитъ
праведники.

Образъ терпѣнія и незлобія, Ксеніе, явила еси,* юродство міра
обличивши.* Предстательство твоє къ Богу вѣмы:* помолися за ны
въ нуждхъ нашихъ,* бездомныя же и отечествія
лишенныя,* Отечествія небеснаго достигнути настави.

Слава, и нынѣ, богородичень, гласъ и подобень тойже:

Любы изсяче, умножишася беззаконія,* якоже предрече
Господь:* отъ соблазновъ душегубца врага* огради насъ,
Богородице,* и яко Родительница Всевышняго,* вышнее
заступленіе намъ испроси.

Таже: Нынѣ отпускаеши... **Трисвятоє, по** Отче нашъ...
Тропарь, гласъ 4:

Суеты́ земна́го міра отвергши́ся,* крѣсть житія́ бездо́мнаго во странничествѣ пріяла еси́,* скорбе́й, лишѣній, людска́го осмѣянія не убо́ялася еси́,* любовь же Христо́ву позна́ла еси́,* е́юже ны́нѣ на небеси́ усажда́еши́ся,* Ксе́ніе блаже́нная, богому́драя,* моли́ся о спасѣ́ніи ду́шъ на́шихъ.

Сла́ва, и ны́нѣ, богоро́дичень, гла́сь тойже:

Еже отъ вѣ́ка утаѣнное, и а́нгеломъ несвѣ́домое та́инство: Тобо́ю, Богоро́дице, су́щимъ на земли́ яви́ся, Бо́гъ въ несли́тномъ соединѣ́ніи воплоща́емъ, и крѣсть во́лею на́съ ра́ди воспри́имъ, и́мже воскреси́въ первозда́ннаго, спасе́ отъ сме́рти ду́ши на́ша.

Ектенія́ сугубая ма́лая, и отпу́сть.

НА ВЕЛИЦѢЙ ВЕЧЕРНИ,

Поѣ́мъ: Блаже́нь му́жъ.., 1-й антифо́нь. На Го́споди воззва́хъ: стихи́ры на 8, гла́сь 8. Подобе́нь: О, пресла́внаго чудесе́!

О, Ксе́ніе блаже́нная,* небе́сное Оте́чество возлюбивши* на земли́ вои́стинну страна́ пребыла́ еси́,* я́ко на странѣ́ чужде́й преходя́щи.* Ны́нѣ у́бо въ до́му Отца́ Небе́снаго водворя́ющися* и странствія́ Влады́чня въ черто́зѣхъ го́рнихъ наслажда́ющися,* не забуди́ на́съ, па́мьять твою́ вѣ́рно творя́щихъ,* и отъ бѣ́дъ много́различныхъ на́съ избавля́й,* предъ престо́ломъ Го́спода Сла́вы на́съ помина́ющи.

О, Ксе́ніе сла́вная,* я́ко му́драя дѣ́ва* въ полуно́щи житія́ твоего́ Жениху́ Христу́ въ срѣ́теніе изшла́ еси́,* свѣ́тильни́къ пламенѣ́ющій любви́ Бо́жія нося́щи,* ю́рода отъ міра нарица́ющися,* премі́рныя же му́дрости исполня́ющися.* Тѣ́мже отъ ми́лости е́лея, е́гоже бога́тно стяжа́ла еси́,* пода́ждь на́мъ, па́мьять твою́ вѣ́рно творя́щимъ,* ка́пли того́ точа́щи на я́звы на́ша.

О, Ксєніе мужемудренная,* крѣпость души твоея кто исповѣсть?* Яко на брань со княземъ тмы и міра сего исходящи,* Андреемъ нареклася еси,* ничтоже бо устраши ты или стужи ти.* глѣдь же и хлѣдь и наготу терпящи, — * вся могу о Христѣ, мене укрѣпляющемъ, — * со апостоломъ зывала еси.* Тѣмже и вѣнча ты Христось подвигоположникъ.

Ины стихиры, гласъ 2:

Андрею, Христа ради юродивому, поревновала еси,* нищету вольную избравши,* и вся благая міра сего презрѣла еси, блаженная,* премірная же благая обрѣтши,* раздаеши дары туне сихъ требующимъ* и твоего заступленія просящимъ.

Пророковъ еси сопричастница, о Ксєніе,* яко градущая духомъ прозрѣвала еси,* преподобнымъ же сожительница являешися,* жестокому житію тѣхъ послѣдовавши,* и безмѣднымъ врачомъ ревнуеши,* исцѣленія недужнымъ донинѣ туне подаючи.

Что ты наречемъ, о Ксєніе блаженная?* Кія ти пѣсни принесемъ?* Яко въ житіи земнѣмъ чести мірскія бѣгавши,* небесную славу наслѣдила еси,* тѣмже нынѣ отъ всѣхъ прославляема,* не презри и наша хваленія усердная.

Духа Святаго теплотою согрѣваема,* благодаію Того, яко боготканною одеждею, облеченная,* наготу и хлѣдь претерпѣвала еси мужемудренно,* глѣдь же духовный словомъ Божіимъ утоляючи,* о пищи тѣлеснѣй небрегла еси,* отъ силы въ силу духомъ восходящи,* тѣмже и блаженство праведныхъ наслѣдила еси.

Вдовица честная отъ юности обрѣтшися,* дщєри Фануилевѣ поревновала еси,* храму Божію примѣтающися,* постомъ же и молитвою Богу деннонощно служащи.* Тѣмже и сподобилася еси зрѣти Христа Спаса,* не на руку Симеону носима,* но во славу

присносущній,* на престолъ превознесенномъ на небесі възсѣдающа.

Слава, гласъ 3:

Се нынѣ Ксенія блаженна* на праздникъ свой насъ собираетъ,* церковнымъ гласомъ зовущи:* о чада и друзи, вскую любите суету и ищите лжи?* Что всуе мятетесь?* Видите мя, вся яко уметы вмѣнившую* и свободу отъ всякія тщеты улучившую;* послѣдуйте убо мнѣ, якоже и азъ Христу,* и къ богатству, аще течетъ, не прилагайте сердца,* яко да времени пришедшу со мною водворитесь* въ чертозѣхъ радости нескончаемыя.

И нынѣ, богородичень догматикъ, гласъ тойже:

Како не дивимся Богомужному Рождеству Твоему, Пречестная? Искушения бо мужескаго не приѣмши, Всенепорочная, родила еси безъ отца Сына плотию, прежде вѣкъ отъ Отца рожденнаго безъ матери, никакоже претерпѣвшаго измененія, или смѣшенія, или раздѣленія, но обою существу свойство цѣло сохраншаго. Тѣмже, Мати Дѣво Владычице, Того моли спастися душамъ, православно Богородицу исповѣдающихъ Тя.

Входъ. Прокимень дне, и чтенія три.

Премудрости Соломони чтеніе.

Праведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умерети, и вмѣнися озлобленіе исходъ ихъ, и еже отъ насъ шествіе — сокрушеніе, они же суть въ мирѣ. Ибо предъ лицемъ человѣческимъ, аще и муку приимутъ, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріяты я. И во время посѣщенія ихъ, возсіяютъ, и яко искры по стѣблю, потекутъ. Судятъ языкомъ и

обладають людьми, и воцарится Господь въ нихъ во вѣки. Надѣющіися Наъ разумѣютъ истину и вѣрніи въ любви пребудутъ Ему, яко благодать и милость въ преподобныхъ Его и посѣщеніе во избранныхъ Его.

Премудрости Соломо́ни чтѣніе.

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимутъ царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъ въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ мѣръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станеть имъ духъ силы и, яко вихорь, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящіися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломо́ни чтѣніе.

Праведникъ, аще постигнетъ скончатися, въ покои будетъ. Старость бо честна не многолѣтна, ниже въ числѣ лѣтъ исчитается. Съди́на же естъ мудрость человекомъ, и возрастъ старости — житіе нескверное. Благоугодень Бо́гови бывъ, возлюбленъ бысть, и живый посредѣ грѣшникъ, преставленъ бысть. Восхищенъ бысть, да не злоба измѣнитъ разума его или лѣсть прельститъ душу его. Раченіе бо злобы помрачаетъ добрая и пареніе похоти, премѣняетъ умъ незлобивъ. Скончався вмалѣ, исполни лѣта долга,

угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковоѣ, яко благодать и милость въ преподобныхъ Его и посѣщеніе во избранныхъ Его.

На литіи стихи́ра хра́ма. Та́же блаже́нныя, гла́сь 8:

Странице блаженная,* вся су́етная яко умѣты вмѣни́вшая,* да бисеръ — Христа́ приобрящеши,* зримъ тя, сто́гны гра́да Петро́ва преходящую* болѣзненными стопа́ми о́ныя освятившую,* мр́аза не страшающуюся, но́щю внѣ гра́да таящуюся.* Та́мо колѣ́на души́ и тѣ́ла прекло́ньши,* о, ко́ль те́плы мольбы́ Бо́гу ты́ сказа́ла еси́,* па́ки же ра́достно поноше́ній сама́ поиска́ла еси́,* въ злострада́ніихъ Христа́ ради юро́дствовавшая,* прозрѣ́нія же да́ра та́йно сподо́бльшаяся,* благодѣ́тельница люде́мъ чудодѣ́тельная,* Ксе́ніе свята́я,* бу́ди моле́бница при́сно за ны́.

Сла́ва, гла́сь 4:

По имени твоему́, Ксе́ніе, и житі́е твое́:* была́ бо еси́ ми́ру сему́ яко странная,* вѣ́ку сему́ яко чуждая,* Це́ркви же святѣ́й яко при́сна.* На земли́ пребыла́ еси́ яко го́стія привре́менная,* на небеси́ же пребыва́еши яко жи́тельница вѣ́чная.* Та́мо еси́ яко Бо́жія избра́нница,* мы́ же на земли́ ублажа́емъ тя́ яко на́шу моли́твенницу.

И ны́нѣ, богоро́дичень, гла́сь тойже:

Богоро́дице, грѣ́шныхъ Споручнице,* не оста́ви на́съ погиба́ющихъ,* но ри́зою заступле́нія Твоего́ покрый на́съ,* яко да ри́зы тоя́ край вѣ́рою удержа́вше,* изъ глубины́ падѣ́ній изведе́ни бу́демъ,* милосе́рдіе Твое́ прославля́юще.

На стихо́внѣ стихи́ры, гла́сь 1:

Поспѣ́шай на по́мощь на́шу, о Ксе́ніе пра́ведная!* Яко вси́ есмы́ въ бѣ́дахъ,* вѣ́ры несумне́нныя не стяжа́вше,* дерзнове́нія же въ

моли́твахъ не иму́ще.* Тѣмже къ тебѣ, блаже́нная, прибѣга́емъ:* ты́
у́бо немо́щъ на́шу воспольни,* Христа́ Бо́га о на́съ умоля́ющи.

Стихъ: Госпо́дь храни́ть пришельцы,* си́ра и вдову́ прии́метъ.

Прорече́нія твоя́, блаже́нная,* и́стину сокрове́нную
провѣщава́ху,* тѣмже велѣ́ниемъ твои́мъ вѣро́у
послѣ́дующи,* ра́дость и отъ бѣ́дъ изба́вленіе улуча́ху.* Оба́че
тѣмъ противля́ющіися,* го́рькія печа́ли прича́стницы
быва́ху,* ничто́же по́льзующеся.

Стихъ: Госпо́дь возво́дитъ низве́рженныя,* Госпо́дь лю́битъ
пра́ведники.

Вои́стину, Ксе́ніе,* по і́мени твоему́ и житі́е твое́ бы́сть,* на
небеси́ бо ду́хомъ живу́щи,* на земли́ страна́ явила́ся еси́,* гра́да,
здѣ́ пребыва́ющаго, не иму́щи,* но гряду́щаго взыску́ющи,* въ
не́мже ны́нѣ водворя́еши.

Сла́ва, гла́сь 7:

Но́вый Андре́й, юро́дства по́двигъ во́лею на себе́ взѣ́мши,
явля́еши,* о Ксе́ніе, Андре́емъ наре́кшаяся:* тѣмже и видѣ́нія
преми́рныхъ, я́ко то́й сподобля́ющіися,* отверза́еши о́чи суето́ю
омраче́ннымъ* и предста́тельствуеши о всѣ́хъ, тебѣ́ ра́ди ми́лости у
Христа́ Спа́са прося́щихъ,* Его́же моли́, блаже́нная,* спасти́ся
душа́мъ на́шимъ.

И ны́нѣ, богоро́дичень, гла́сь тойже:

Подъ кро́вь Тво́й, Влады́чице, вси́ земноро́дніи, прибѣга́юще,
вопи́емъ Ти́: Богоро́дице, упова́ніе на́ше, изба́ви ны́ отъ
безме́рныхъ прегрѣ́шеній и спаси́ ду́ши на́ша.

**[На благослове́ніи хлѣбовъ: Тропа́рь блаже́нныя,
два́жды [пи́санъ на ма́лѣй вечерни] и Богоро́дице
Дѣ́во.., еди́ножды.]**

Инь тропарь, гласъ 8:

Тебе, о страннице, яви Христъ Господь молитвенницу теплую за родъ нашъ,* въ житіи бо твоёмъ страданія и скорби воспріявши,* Богу же и чловѣкомъ любовію послуживши,* дерзновеніе веліе стяжала еси.* Тѣмже къ тебѣ въ напастехъ и скорбехъ усердно прибѣгаемъ,* изъ глубины сердець нашихъ взывающе:* упованія нашего не посрами, Ксеніе блаженная.



НА УТРЕНИ,

На Богъ Господь: Тропарь [святія], дважды. Слава, и нынѣ, богородичень, гласъ тойже.

По 1-й каѳісмѣ съдалень, гласъ 1:

Не ктому озлобленія и скорби претерпѣваеши, блаженная, на земли чуждей странствующи, но во Отчествіи небеснѣмъ водворяешися и тамо съ лики праведныхъ утѣшаешися. Тѣмже и насъ, непрестанно тебе призывающихъ, отъ бѣдъ и напастей многообразныхъ присно избавляй. [Дважды.]

Слава, и нынѣ, богородичень, гласъ тойже:

Богородице Дѣво, радуйся, радость отъ ангела пріявшая и радость міру принѣсшая, радуйся, рождающая Зиждителя Твоего и Господа. Радуйся, сподобльшаяся быти Мати Божія.

По 2-й каѳісмѣ съдалень, гласъ 8:

Тебѣ, блаженная, отъ Бога дадеся благодать пещися о людехъ, недужныя цѣлити и скорбныя утѣшати, обуреваемыя напастыми ко пристанищу благоутишному направляти, заблудшія и отчаянныя на путь спасенія направляти. Тѣмже мы нынѣ, память

твою совершающе, теплѣ зовемъ: не забуди насъ, блаженная, въ твоихъ дерзновенныхъ молитвахъ. **[Дважды.]**

Слава, и нынѣ, богородичень, гласъ тойже:

Тебѣ, Владычице, едину надежду и прибѣжище имамы, Тебѣ стѣну нерушимую отъ всѣхъ врагъ и напастей стяжачомъ, не остави насъ нынѣ и присно и во вѣки.

Полиелей и величание:

Ублажаемъ тя, святая блаженная Ксѣніе, и чтѣмъ святую память твою, ты бо молиши за насъ Христа Бога нашего.

Псаломъ избранный: Терпя потерпѣхъ Господа, и внятъ ми и услыша молитву мою...

По полиелей съдалень, гласъ 5:

Отверзи уста наша, Спасе, даждь слово разума рабомъ неключимымъ, воспѣти достойно Ксѣнію блаженную, тоя бо подвижи мірскій разумъ превосходятъ, и тоя смиреніе, яко покровомъ, житіе ея сокрываетъ. Обаче чудесы и представительствомъ тоя просвѣщаеми, отъ любве сердечныя непрестанно зовемъ: не остави насъ заступленіемъ твоимъ, Ксѣніе премудрая. **[Дважды.]**

Слава, и нынѣ, богородичень, гласъ тойже:

Не мудростію и сілою, не богатствомъ хвалимся, но Тобою, пренепорочная, Ты бо родъ чловѣчь на высоту а́нгель превосходящую вознесла еси, Слово предвѣчное ро́дши, и матернее дерзновение къ Сыну Твоему и Богу стяжавши. Тѣмже Ти припадающе, молимся: на забуди насъ сирыхъ, о всепѣтая Мати и Дѣво.

Степѣнна, 1-й антифонъ, 4-го гласа. Прокимень, гласъ 4-й:
Возвеселится праведникъ о Господѣ* и уповаѣтъ на Него. **Стихъ:**
Услыши, Боже, гласъ мой, вегда моли ти ми ся Тебѣ. Всякое
дыханіе... Евангеліе отъ Луки, зачало 78.

По 50-мъ псалмѣ стихира, гласъ 6:

Жестокое житіе волею избрала еси, и озлобленія всяческая претерпѣла еси, юродство міра сего обличивши, премудрость же Божію явивши. И нынѣ на небеси утѣшаѣшися, мы же, на земли странствующе, тебѣ непрестанно зовѣмъ: не забуди насъ, блаженная, Христа Бога о насъ умоляющи.

Канонъ молебный Богородицы съ ирмосомъ на 6, и
блаженнѣй Ксеніи на 8, гласъ 4-й, егоже краегранесіе: Ксенію
мужеумную похвалами почитаѣмъ.

Пѣснь 1.

Ирмосъ: *Тристаты крѣпкія, Рождѣйся отъ Дѣвы, безстрастія во глубинѣ, души тричастное потопи, молюся, да Тебѣ, яко въ тимпанѣ, во умерщвленіи тѣлесѣ побѣдное воспою пѣніе.*

Ксеніе блаженная, воистинну по имени твоему и житіе твое бысть: на земли бо, яко во странѣ чуждей, переходящи и во Отечество небесное преставитися чающи, вся земная, яко сѣнь и соніе, презрѣла еси.

Суету всяческую, яко прахъ отъ ногу твоєю отрясши, жестокимъ путѣмъ въ зѣмлю обѣтованія шествовати изволила еси, Ксеніе мужемудренная, челоубійцу врага, яко Амалика, побѣждающи и Господеви побѣдное пѣніе приносящи.

Египетскія котлы благоденствія презрѣвши и міру кичливому посмѣявшись, Ксеніе мудрая, моря житейскаго дно прешла еси невреденно, Богу тя ведущу рукою крѣпкою, Емуже воспѣла еси побѣдное пѣніе.

Богородичень: Ненадѣющихся надеждо и боримыхъ помоще, Пречистая, въ мѣри сущихъ звѣздѣ боготечная, и въ пустыни заблуждшихъ источниче живоносный, отраду душамъ нашимъ, Дѣво Благословенная, даждь.

Пѣснь 3.

Ирмосъ: *Не мудростию, и силою, и богатствомъ хвалимся, но Тобою, Отчею вполнотой Мудростию, Христѣ: нѣсть бо святъ, паче Тебѣ, Человѣколюбче.*

Иоанна, возлюбленнаго ученика Спаса, слышавши глаголюща: иже любитъ мѣръ, въ немъ любви Отчей нѣсть; мѣръ грѣхлюбивый возненавидѣвши, въ домъ Отчий поспѣшала еси, блаженная.

Юроду себе Христа ради сотворши, мудрости же премѣрныя исполняющися, окомъ чистымъ будущая, яко настоящая, прозрѣвающи, пророкомъ Божиимъ поревновала еси, Ксѣніе богомудрая.

Молитва усердная — пища тебѣ бысть, праведнице, руганія же и осмѣянія — питіе сладкое, смиренномудріе — одежда украшенія, и вѣнецъ — Духа осіяніе.

Богородичень: Уста двизати на молитву, якоже мати Самуилова никакоже облѣнимся, вѣрнии, небесе и земли Царицу призывающи.

Сѣдалень, гласъ 5:

Егда нощю молитвы твоя тайнолѣпно творящи, на снѣгъ колѣна твоя преклоняла еси, блаженная, душа твоя паче снѣга убѣляшеся, слезы же, отъ теплоты сердечныя проливаемыя, землю согрѣваху, градъ твой спящій бдѣніемъ твоимъ спасашеся, и гнѣвъ Божій отъ того отвращашеся. Нынѣ убо тебѣ отъ мѣра сего отшедшей, бѣдствуемъ люте, нощъ несвѣтла наста намъ, огустѣ тма грѣховная, сонъ лѣности и нерадѣнія зѣницы наша смежи,

градъ твой въ рѹцѣ безбожникъ предадѣся, и отѣчествое твое врагѹ поработися, потщися убо на молитву и на по́мощь намъ поспѣшай, Ксѣніе, дерзновѣніемъ велія. **[Дважды.]**

Слава, и нынѣ, богородичень, гласъ тойже:

Предстательнице и скорая Застѹпнице рѹда христіанского, бездомныхъ и отѣчества лишѣнныхъ Покровительнице, моли при́сно Сына Твоего́ и Бога съ блаженною Ксѣніею за рѹскія люди во отѣчествіи и въ разсѣяніи сѹщія, да Отѣчества неотъѣмлемаго, небѣснаго достигнемъ.

Пѣснь 4.

Ирмо́сь: *Услы́шахъ сла́вное смотре́ніе Твое́, Христѣ́ Бо́же, яко роди́лся еси́ отъ Дѣ́вы, да отъ лѣсти изба́виши зовѹщія: сла́ва си́ль Твое́й, Го́споди.*

Жѣнскую не́мощь отлага́ющи, Андре́емъ нарекла́ся еси́, мужеу́мная, проти́ву духо́въ зло́бы подви́зающи́ся, — сла́ва си́ль Твое́й, — къ Пода́ющему ти́ си́лу взыва́ющи.

Евино високоу́міе, рай затвори́вшее, отве́ргши всеконѣ́чно, богому́драя, юро́да наре́щися изволя́еши, змія лѣсти́ваго посра́мивши.

Умъ Христо́въ внутрѹ́ду тая́щи, премѹ́драя, міра му́дрость попира́еши, вразумля́еши же лю́ди, судьбы́ Бо́жія предвозвѣ́щающи, и стопы́ на́ша на пу́ть пра́вый направля́ющи.

Богоро́дичень: **Милосѣ́рдіе** Твое́ къ намъ преклони́ти тщѣ́мся, Богоро́дице, моли́твенницу Тебѣ́ предлага́ющи Ксѣнію блаже́нную, ея́же предста́тельство стяжа́ти упова́емъ, па́мь ея́ те́плѣ воспѣ́вающе.

Пѣснь 5.

Ирмосъ: *Стяжавый ны, избранныя люди, кровию Твоею, Господи, Твой миръ даждь намъ, во единомыслии сохраняя стадо Твое.*

Наготу и хладъ терпящи, ризы же нищимъ раздаючи, — довлѣтъ ми риза крещенія, — въ себѣ взывала еси, блаженная.

Уврачуи наша раны, услыши молитвы, умири нашу жизнь и на помощь намъ поспѣшай, Ксѣніе благолюбивая.

Юныя вразуми и на путь истины настави, старыя умудри и божественная разумѣти научи, всяко на дѣла благая ихъ подвизаючи, о Ксѣніе, мудрость небесную стяжавшая.

Богородичень: *Печали отложше, восклонимся и горѣ воззримъ, братіе, и узримъ въ небесѣхъ Царицу Богородицу, покровомъ Своимъ свѣтоноснымъ насъ покрывающую.*

Пѣснь 6.

Ирмосъ: *Внегда скорбѣти ми, возопихъ ко Господу, и услыша мя Богъ спасенія моего.*

Окорми насъ, въ мори житейскомъ бѣдствующихъ, блаженная, ко пристанищу благоотішному насъ провождаючи, молящися ко Единому, Иже насъ спасти могущему.

Хотяще благая творити, злая содѣваемъ. Заповѣди Божія вѣдуще, о тѣхъ небрежемъ и согрѣшаемъ: помози намъ немощнымъ, Ксѣніе благосердая.

Возопи о насъ ко Господу, Емуже послужила еси, о Ксѣніе, гласомъ крѣпкимъ, якоже Моисей въ пустыни, и услышитъ тя Богъ, спасти хотяи чловѣки.

Богородичень: *Аще не ты намъ руцѣ прѣстреси, о Богомати, не имамы избыти погібельнаго рова, сего ради Ти зовемъ: Владычице, спаси ны.*

Кондакъ, гласъ 3:

На земли яко странна пребывши,* о небеснѣмъ же Отѣчествіи
воздыхающе,* юрода отъ буѣихъ и невѣрныхъ,* премудра же и
свята отъ вѣрныхъ познаваешися,* и отъ Бога славою и честию
вѣнчаешися,* Ксѣніе мужеумная и богоумная,* сего ради зовѣмъ
ти:* радуйся, яко по странствіи земнѣмъ* въ дому Отчемъ
водворяешися.

Икосъ:

Кто сія, во врата Царствія небеснаго толкущая, еяже ризы бѣлы,
лице же сияетъ паче солнца? Откуда приходитъ и яковыхъ
требуешь? — Сія естъ дщи Отца Небеснаго, Сына Божія раба
вѣрная и Духа Святаго сосудъ избранный, на земли яко странница
пришельствовавшая. Нынѣ во Отѣчествіе небесное претавляется,
со тщаніемъ убо сей двѣри отворите и срѣтайте ю, съ веселіемъ
зовуще: радуйся, Ксѣніе, яко по странствіи земнѣмъ въ дому
Отчемъ водворяешися.

Пѣснь 7.

Ирмосъ: *Юноши три въ Вавилонѣ, вельніе мучителево на буйство
преложше, посредъ пламене вопіяху: благословенъ еси, Господи, Боже
отецъ нашихъ.*

Лѣгкое бремя Христово на рамо твоѣ вземши, вся тяжкая земная
ни во чтоже вмѣняючи, блаженная, неудобоносимое каменіе на
вѣрхъ церковный преносила еси, усердно трудящися и зовущи:
благословенъ еси Господи, Боже отецъ нашихъ.

Алчемъ и жаждемъ и наготуемъ духовно: пищу сладкую, твоѣ
наставленіе, даждь убо намъ, блаженная, прохлади гортани наша
росою молитвъ твоихъ о насъ, убогихъ, яко да Господеву
благодарнѣ зовѣмъ: благословенъ еси, Боже отецъ нашихъ.

Мытарёво грѣхлюбное житіе подражающе, смиренномудрія того не стяжѣхомъ, паче же и фарисеевой гóрдости предахомся, добродѣтелей же не имѣюще, что́ убо сотворимъ немощніи, аще не къ тебѣ, Ксеніе, прибѣгнемъ и возопіимъ: умоли о насъ Бога отецъ нашихъ.

Богородичень: **И**ныя нѣсть во вселеннѣй, якоже Ты, Богородице, яже матернее дерзновение ко Спасу имѣющая, и ангелы преславною чистотою превозшедшая: тѣмже Ти припадаемъ, Владычице, моли о насъ присно Бога отецъ нашихъ.

Пѣснь 8.

Ирмосъ: *Всяческая, Владыко, премудростію Твоею составилъ еси, земли же пакы утвердилъ еси, якоже вѣси, дно, основаніемъ водрузивый на водахъ безмѣрныхъ. Тѣмъ вси вопіемъ, воспѣваяще: благословіте, дѣла Господня, непрестанно Господа.*

Помощница намъ буди, блаженная, изымающи насъ отъ скорбей и болѣзней, отъ соблазновъ же, нестроений и бѣдъ, и желанія сердець нашихъ во благо исполни, яко да о тебѣ Бога благодаряще, вопіемъ: благословіте дѣла Господня непрестанно Господа.

Огневицу державствующему устави еси, царицѣ же въ видѣніи соннѣмъ представши, прорекла еси той рождение чада, тѣмже благодарственнѣ вопіяше: благословіте дѣла Господня непрестанно Господа.

Чада твоя есмь, о Ксеніе блаженная, не остави насъ сирыхъ, но на помощь къ намъ приди. Не забуди о славѣ твоей пекущихся, но радованіемъ имъ воздаждь, да вси согласно поемъ: благословіте дѣла Господня непрестанно Господа.

Богородичень: **И**мя Твое пресладкое и мнроуханное да не отходитъ отъ устъ нашихъ, Богородице, сердца же наша любовію

боже́ственною горя́ща, всю́ тва́рь да приглаша́ють вопи́ти:
благослови́те дѣла́ Господня́ непреста́нно Ма́терь Бо́жію.

ПѢСНЬ 9.

Ирмо́сь: *Тя́, пресла́вную Невѣ́сту и Всесвяту́ю Богороди́цу, Зижди́теля ро́ждшую невидимыхъ же и всѣ́хъ ви́димыхъ, пѣ́сньми велича́емъ.*

Тайнолѣ́пная житі́я твоего́ и по́двизи твои́ сокрове́нни, ны́нѣ міру яви́шася, Ксе́ніе блаже́нная, тѣ́мже о тебѣ́ все́лящеся, Христа́ Бо́га, тебе́ просла́вльшаго, немол́чно велича́емъ.

Аще и преста́вилася еси́ отъ земныхъ, оба́че вѣ́дуще тя́ и по сме́рти на́мъ спребыва́ющую и моли́твами твои́ми при́сно на́сь отъ бѣ́дъ покрыва́ющую, благода́рнѣ́ тя́, блаже́нная, велича́емъ.

Еже о на́сь, немо́щныхъ и убо́гихъ, попече́ніе твое́ воспомина́юще, съ любо́вію къ тебѣ́ припа́даемъ, моли́твеннице на́ша крѣ́пкая: не оста́ви у́бо на́сь, си́рыхъ, но при́сно на́мъ помога́й, я́ко да о тебѣ́ Бо́га и Отца́ Небе́снаго при́сно велича́емъ.

Богоро́дичень: **М**оли́твы Ксе́нии блаже́нныя къ Тебѣ́, Влады́чице, о на́сь приноси́мыя, къ Сы́ну твоему́ и Бо́гу, Дѣ́во, принеси́, Твои́мъ ма́тернимъ хода́тайствомъ ты́я подкрѣ́пляющи, и спаса́й, Пречи́стая, Тя́ велича́ющія.

Свѣ́тилень:

До́ме Отчій, отве́рзи ми́ двѣ́ри, отъ земли́ чужде́й преста́вьшейся, — вопіе́тъ Ксе́нія блаже́нная, во врата́ Ца́рствія небе́снаго толку́щи. **[Два́жды.]**

Сла́ва, и ны́нѣ, богоро́дичень:

Двѣ́ре небе́сная, пала́то Царе́ва, христиа́нъ неруши́мая стѣ́но, богоприе́мнѣи Твои́ ру́цѣ́ на́мъ протира́ющи, введи́ на́сь, Влады́чице, въ вѣ́чныя кро́вы.

На хвалітехъ стихиры на 4, глась 8:

Солнца правды — Христа безумно уклонихомся, и зима намъ есть лютая жестокосердія. Но ты, блаженная, теплотою молитвъ твоихъ оледенѣвшая сердца нша согрѣвай, яко да отъ сна нечувствія восклонимся, весну духовную возвѣщаючи.

Въ ноци грѣховнѣй заблудихомся, огустѣ тма духовная: како избѣгнемъ паденій и погібельнаго рова? Како обрѣтемъ путь ко спасенію? Ты, блаженная, свѣтильникъ милосердія твоего возжегши, изыди въ срѣтеніе насъ погибающихъ и, простѣрши намъ руцѣ твои, на стези правыя изведи ны.

Гдѣ премудръ, гдѣ книжникъ, гдѣ совопросникъ вѣка сего? Не обуи ли Богъ премудрость мірскую? Тѣмже и ты, Ксеніе, міру юрода являешися, Христа, Божію Премудрость, проповѣдаючи, и Того благодатію просвѣщаема, всѣхъ навчаеши суеты мірскія отгребатися.

Нищету совершенную стяжавши, премудрая, мірская мудрованія отвергши, Богу же яко вдовичу лепту въ жертву разумъ принѣсши, юрода человекомъ являешися, обаче тя вѣмы мудрѣйшую премудрыхъ, тѣмже отъ тебе наученія просимъ: просвѣти нашъ умъ твоєю свѣтлостію, мракъ невѣдѣнія отгоняючи.

Слава, глась 6:

Все отложивши мірское попеченіе, ризою юродства премудрость сокрываючи, Богу же и человекомъ тайнолѣпно послуживши, стяжала еси Святаго Духа благодать, о Ксеніе блаженная, тѣмже яко дерзновеніе ко Спасу имущая, не престаи молиги Того спастися душамъ нашимъ.

И нынѣ, богородичень, глась тойже:

Вся превозше́дши непоро́чнаго дѣвства добро́тою, Бо́га родила́ еси́ неизрече́нно, Пресвята́я Дѣво Ма́ти, тѣмже ро́дъ человѣчь о Тебѣ́ радуется, и Тобо́ю, и́стинною Богоро́дицею, дерзнове́нно хва́лится, на Тя́ упова́ние возлага́я, Ты́ бо еси́ Предста́тельница и Спасе́ние міру.

Славословіе великое. Ектеніи и отпу́сть.

НА ЛИТУРГИИ,

Блаже́нна, отъ канона́ блаже́нныхъ пѣ́снь 3-я и 6-я. Прокі́мень, гла́сь 4: Диве́нь Бо́гъ во святы́хъ Свои́хъ,* Бо́гъ Израі́левъ. Сти́хъ: Вѣ́ церквахъ́ благослови́те Бо́га, Го́спода отъ исто́чникъ Израі́левыхъ. Къ́ Гала́томъ послані́я, зача́ло 208. Аллилу́я, гла́сь 1: Терпя́ потерпе́хъ Го́спода и вня́тъ ми́, и услы́ша моли́тву мою́. Сти́хъ: Поста́ви на ка́мени но́зѣ мои́ и испра́ви стопы́ моя́. Евангеліе́ отъ Матѳе́я, зача́ло 104. Прича́стень: Вѣ́ па́мьть вѣ́чную́ бу́детъ пра́ведникъ, отъ слуха́ зла́ не убои́тся.

Источникъ: Служба́ святѣ́й, блаже́ннѣй во Христѣ́ Ксе́ніи, бездо́мнѣй стра́нницѣ́ Петро́ва гра́да. — Jordanville: Тѣпографія́ преп. Іова́ Почаевскаго, [1978]. — 29 с.